

16. interparlamentarni sastanak,
27. i 28. mart 2014., Sarajevo

ZAJEDNIČKA IZJAVA
predsjedavajućih

Na završetku 16. interparlamentarnog sastanka Evropski parlament – Parlamentarna skupština Bosne i Hercegovine, koji je održan u Sarajevu, 27. i 28. marta 2014., dvije delegacije su:

1. Izrazile zabrinutost zbog činjenice da se situacija u Bosni i Hercegovini pogoršava usljed nedovoljnog angažovanja političkih lidera u BiH na postizanju kompromisa, kao i zbog složene i neefikasne institucionalne strukture; pozvale političke stranke na svim nivoima vlasti u zemlji da pojačaju saradnju i dijalog s ciljem postizanja reformi koje vode do boljeg funkcioniranja države;
2. Prepoznale tešku socijalnu situaciju u kojoj se nalazi BiH stanovništvo kao jedan od uzroka prosvijeda u BiH: izrazila žaljenje što su neki od tih prosvijeda uključili nasilje i uništavanje javne imovine, pozdravlja poboljšanje suradnje s civilnim društvom te poziva na institucionalne mehanizme za suradnju između državnih institucija i civilnog društva da budu uspostavljeni na državnoj razini i budu operativni na entitetskoj i kantonalnim razinama kako bi unaprijedili i poboljšali uključivanje civilnog društva u EU pristupnom procesu na regularan i strukturiran način, ohrabrujući suradnju i sinergiju između nevladinog sektora i vladinih institucija;
3. Pozdravile spremnost Bosne i Hercegovine da bez odlaganja završi tehničko prilagođavanje SSP/PS potrebno za njegovu nesmetanu primjenu i na Hrvatsku kao novu članicu Evropske unije; primila k znanju stav Bosne i Hercegovine da promjena uslova već ugovorenog trgovinskog režima unutar SSP/PS podliježe konsultacijama i dodatnim pregovorima u skladu sa Sporazumom, na principima uzajamnosti i u obostranom interesu ugovornih strana;
4. Izrazile zabrinutost zbog finansijske održivosti javne uprave na državnom, entitetskom i lokalnom nivou, njene veličine i budžetskih troškova potrebnih za rad, njene rascjepkanosti i politizacije, kao i zbog nedostatka političke volje za njenom reformom;
5. Izrazile zabrinutost zbog visoke stope korupcije na svim nivoima javnog života i složenih veza između političkih aktera, poslovnog svijeta i medija, ukazale na činjenicu da do sada u Bosni i Hercegovini nema evidencija o presudama u

slučajevima korupcije na visokom nivou; pozvale na provođenje Strategije za borbu protiv korupcije s ciljem podsticanja efikasne istrage, procesuiranja i osude o slučajevima korupcije;

6. Podržale napore organizacija civilnog društva da utiču na promjene ustava i ponovile da promjena Ustava ostaje važna za transformiranje Bosne i Hercegovine u efikasnu i u funkcionalnu državu; pozvale Federaciju da razmotri konkretne prijedloge u tom smislu kako bi se pojednostavila njena složena institucionalna struktura;
7. Pozvale države članice EU i države zastupljene u Vijeću za implementaciju mira, da pojačaju dijalog s ciljem postizanja konsenzusa među političkim liderima u BiH, omogućavajući im da implementiraju odluku Evropskog suda za ljudska prava u Strazburu u slučaju Sejdić/Finci protiv Bosne i Hercegovine; pozvale potpredsjednika/visokog predstavnika, kao i šefove država EU da Bosna i Hercegovina bude u središtu i prioritet vanjske politike EU;
8. Pozvale vlasti da povećaju efikasnost i funkcionalnost institucija; pozvale ih da poboljšaju mehanizme za koordinaciju koji će omogućiti državi Bosni i Hercegovini da djeluje efikasno u međunarodnim odnosima, te pozvale sve političke stranke da rade na poboljšanju političkog dijaloga i jačanju političke kulture, udaljavajući se od etnocentrične retorike;
9. Pozvale Vijeće ministara Bosne i Hercegovine da hitno ponovo uspostavi pravilno funkcioniranje Privremenog sporazuma tako što će se ponovno angažirati u radu pododbora za tehnička politička pitanja koji su trenutačno blokirani;
10. Podsjetile da je pristupanje Evropskoj uniji nešto više od pukog prijenosa *acquisa* Evropske unije i da mora biti zasnovan na istinskom i sveobuhvatnom opredjeljenju evropskim vrijednostima i ispunjavanju kriterija iz Kopenhagena (stabilnost institucija koje garantiraju demokratiju, vladavina prava, ljudska prava, zaštita manjina, postojanje funkcionalne tržišne ekonomije i sposobnost da se nosi s konkurencijom unutar Evropske unije);
11. Pozdravile nesmetano odvijanje i završetak faze prebrojavanja u prvom popisu stanovništva i domaćinstava od 1991.; također, pozivajući vlasti da ne politiziraju popis čija je svrha prikupljanje objektivnih društveno - ekonomskih podataka;
12. Pozdravile napredak ostvaren u smanjenju neriješenih sudskih predmeta, uključujući predmete o ratnim zločinima, ali su izrazile zabrinutost zbog sve veće nesposobnosti da se provedu sudske presude; pohvalile Strukturirani dijalog o pravdi koji je rezultirao određenim brojem već provedenih preporuka; pozvale na provođenje daljnjih neophodnih strukturnih i institucionalnih reformi pravosudnog sistema;
13. Pozvale vlasti na svim razinama BIH da naprave iskorak u reformi obrazovanja kako bi unaprijedili obrazovne standarde, promovirali inkluzivni i ne diskriminirajući obrazovni sustav koji bi uvažio kulturne i jezične raznolikosti BIH i poziva ih da daju

potporu treningu učitelja kako bi stekli dodatne vještine i pomogli im u dugotrajnoj izgradnji kapaciteta. Poziva Konferenciju Ministara obrazovanja da naprave bolji pravni okvir u području obrazovanja u čitavoj BiH. Poziva na osiguranje institucionalnih pretpostavki koje će omogućiti zemlji da sudjeluje u nastavku programa *Erasmus +*;

14. Pozvale nadležne vlasti da ojačaju koordinaciju ekonomske politike kako bi se omogućio ekonomski rast, da pokrenu daljnje strukturne reforme, da održe fiskalnu disciplinu te da se poveća prikupljanje prihoda; pozvale ih, nadalje, da unaprijede sastav i efikasnost javne potrošnje i velikog neefikasnog javnog sektora;
15. Pozvale nadležne vlasti BiH da se uključe s EUSR/Šefom delegacije i prije izbora u listopadu/oktobru u izradu konkretnih ekonomskih strukturalnih reformi koje bi počele oživljavati gospodarstvo i poticale otvaranje radnih mjesta; pozvale nadležne vlasti BiH da se angažiraju na inicijativama koje je Povjerenik Fule nedavno pokrenuo, a posebice komisijin Godišnji program državne reforme i dvogodišnji Program konkurentnosti i rasta, te proširenje Strukturiranog dijaloga o pravosuđu na rješavanje pitanja posebno u području borbe protiv korupcije, te radnu skupinu BiH - EU da ubrza provedbu projekata financiranih od strane EU;
16. Obje delegacije izražavaju opredjeljenje za evropsku perspektivu BiH i potvrđuju podršku ranije izraženim stavovima da je budućnost BiH u punopravnom članstvu u EU. Delegacije upućuju poziv zemljama članicama EU da u što skorijem vremenu preciziraju i usaglase elemente novog pristupa prema BiH koji će omogućiti stvarni napredak zemlje na putu ka punopravnom članstvu u EU.